



Мэбета вадава" ила' панан' етри' мэква"!

НЯРЬЯНА НЭРМ

ГАЗЕТА 1931 ПО'
АПРЕЛЬ ИРЫ" ЮКАД ВАТА
ХАСАВАЮДИМДЕЙ
ЯЛХАД ҟАДИБЕРЈА

СИ" ИВ ЯЛХАНА
ЧОПОЙ СЕРТАБИВА"



№31 (5253)
2025 по,
август иры,
2 яля
СУББОТА

Таңичнохой калитама

Тагтама: Андрей Пяк тагтамы



6 >

Тохорма' ёльцьнэ хая

Ханяңы" яха"на юдя" мале вады". Сямянхат нерденаң ћако" я' няд ќодинда" нямана намдаваць. Таняна нумда сяхари' ибарка ќэсеты. Нара' няна сырало' мер' холкаңга. Надьбята неняңг" ирыхына мараңгам' ма"ламбада" варемдо' мэ"џаць.

Пяко" я' няд юне падыбада Лариса Айваседо' вадавна, пыдо' илесь яханандо' ќани похो" таслаб", ќодидо' ёльцяндо' тосъ вадёвы". Вы' тер", хардахана илена" неняңг" иры' сидя ю дим - дей яля'



пуд тохорць тебвы". Мараңгам' вэбараңгана хомбидо', ќадьда хасуй яхана яңгу, танябта ќод" - тянё. Ненэця" тикым' вадець иринато' вади тензебтемби": «Тюку нара' хутий хэхэ" сарё' пуд яхана" тось. Хэхэ" мун" сеймда нивы" харе". Надьбята инда сер' тодо" явна ќоди моё"мыда».



Тев' ёльцянгана мараңгам' мале пухуця" ся"нэ ханда. Ламдуйм' лынзермям' ма"ламба пяңгу". Есядамдо' недво"ман' харвана" ма"лавы ќодидо' лапкаха" мирдапидо', ханяңы" тэри харто' ненэцяңг" тэмдарамбидо'.

Надымской район' няна Еръяха' тер" ќодито' хурка ќэвам' ќани' манэ"сармэдо'. Мараңгыдо', лынзермидо' ма"ламбаба" пирнэ вадёвы". Алёна Неркагы мяканда терси" нивы тур": «Нердена яля' мяна" тернэ мал' ядэрјаваць, ќопой едкоцяхавм' тердеваць. Щани яляхана" лынзермярим', ламдуйрим' хомбиваць. Мараңга ќадьда яхана яңгусь. Маси" лахацье" поңгана, вэбараңгана танянакы. Тудакохов ќока».

Сидяңг": Анна Ялтик тадгавы"



Тасу' я' тер
Елена Яр тарем' лахана: «Яханана" ќодина" вадёвдэвэй". Надядя яхана мерця пулабтавыда. Неро" поңгана ќоб' ня' няръянаң эхэвэй". Ма"ламбаба" пир" ни" ќа". Сидя си"ив яля' хэ"мхад ёльцяндо' томда».

Я' мал' няна Сёяха' тер Светлана Салиндер' вадавна, пилю" иры' 20 ялэ" пиркана мараңгыдо' савумда". Лынзермяхавм' хомбавы", тандая' вадёдана, тамна љюдякоця, сэрако. Небой похона вэба' иры' нердена яляхана" ќодинзь пявэдо'. Тюку та' ќодидо' мерарка ќадимда".

Салехард', Си"ив Харв' хэвхы выңгана ќодя" сава паңохонандо' мэ". Едабэйм' ќояк хонгун. Щокамбай пелядо' - холкабэй". Хасрё", малы то" вархана толава" техэ". Тохорта ненэцие" е"эмня нумда тэри сава. Мерця, неняңг", ниберё" яңгу".

Тедари' мараңга" паңохона малко варера" ќэя.

Ямал' тер" њядангурна"

Ямал' нермбэртэя Дмитрий Артюхов манзаита сер' Донецкой Народной Республика" нямана ќэдалёрмы. Таняна Волновахан', Авдеевкан' тэвормы. Марцьхыда няць сехэры, мядо сулорпавам' манэ"сармы. Таняңы" я' тер, мильт" ненэцие лахана ня"мы".

Авдеевкахана ќопой сулормы хардаханандо' МФЦ, ЗАГС ќэнүгү", лекар" мято' ќани' мюньянда таняңгу. Иланганандо' тарана" серодо' ќопой яхана тасла пиртыдо'. Тики' хавна няхар" иле мядм' сертавы". 190 ненэця" илесь лохото' мюния нись тоса мэ". Теда' ќани' ќопой мядм' сулорпи".

Волноваха' тер" е"эмня лекар" мято' савумдэвэй". Ненэцие лекарабтабадаңэ Ямалхад товы" си"ив лекар" тара". Щокханда по' ямбан' няхар" ю" нядаңгода" товы". Савумдавыто' толыр" сидя ёнар" пир".

Тамна сидя едэй харадм' мимбада" манзаидо' тюку по' пудана ирыхы"на ёльцеңгудо'. Хусувэйхана няхар" ю" иле лох" таняңгу". Сайнорма" мальнгана тахабтавы" таб сехэры ќани' несэйвана лехэбтамбидо'. Ненэця" ќопой харад' вэkad няби' няю' таңга ќэдалёрта". Неноховавна школа", щацекы" сад', лекар" мяд' ёльцянд" мер' тэвортага".

Тарем' Ямална" тер маянд' еремы" нидо' нядаби". Сайнорма" пуд сертавандадо' тамна ќока.

Тэрәнгова' нямана

Вэба' ирыхына Ямал' тер" иландо' серо нерня" минрени тэрабаңгу". Теда' Законодательной Собраниехана мэван" харвана" пыхыдадо' падаркана ненадумдабидо'. Харвабцуто' нямана тэрәнгова' серо тидхалембадаха" лахана", падродо' ќэдабтамби". Пыдо' сидндетимдей ќанорэй" яна" ќэвахана мэнанэ тараңгу".

Неняңг" иры' 25 яля' депутатнэ мэвандаң ѡхижададо' ЛДПР партия" тер" ваде"џаць. Щокханда 43 нямано' падвы". Хусувэхэндо' тэрәнгова' няю' мэ"манда падродо' хамэдэвэй". Сидя нядо' Кузнецов Андрей Андреевич няби Садовников Денис Владимирович избирком' нермбэртэя Андрей Николаевич Гиберт' ќудахат падроди' ня"амжаханзь. Поңгадандо' вэба' ирыхына ненэця" хибяхавамдо' Законодательной Собраниехана манзаравандаң тэрабаңгу". Щани" партия" нямана тамна паднаңгуга".

Теневада"

Пилю" иры' 26 яля' ёльцянд" едэй тована похона халям' хадабаван" харвана" падродо' тамна серта пиръядо'.

Тики' е"эмня Щэрм' тер" серо минрена управлениеен, тамна хусувэй районхана хардато' серо ня"амбадаха" хэсъ тараңгу. Таняна манзарана" табекурта", нядаңгода".

Ненэця" падродо' харта тэвра пирпата, харта ханаңгуда, нибта - почтавна ќэдабтангуда. АИС «Госуслуги ЯНАО» няд"мяць ќока тоенана серона" тидхалембива". Халям' хадабава" падар" ќани' таняна серта сава".

2026 похона таңга, нись тоса, закон' вато' сер' поңгарма" ё"эмня, тарана падрода" теда' падыда".

Галина Окотэтто' падвы"

Таны сянаковадо'

Ты пэртхя"на неняңг" иры сянинхаттоена. Малкоди" сабе нива тэтнаваңгад мяд" юбт' юэсурңа". Тарем' епдя' паюм' юбканы таңга мадабидо". Теда' пили" иры' това' сер' мале ханяңы" тэранго пэнгуд". Тикхад пуняю' мюсе пяңгудо".

Ярото' хэуввна мюсерта" ненэця" та' юбт' юэсурцеты". Тюку по' юбтицы мядодо" юбт' пал"мыдонзь. Харто' тыдо' вадабада" юпой юарка юэсирхаха", мяквадо' юкад вата самляңг. Нэсы' тер" нидо' нядаба иле". Хасава" малку", поңгадамдо' пядуванзь хан"ја". Не" мякы" манзаидо' пэрја". Нацекы" нисянато', небянато' сер' юни' серций" ни" мы".

Та' хахаяда мякат туртидо" таня". Неняңг" ирыхына мор ма"ламбади" мядо"манандо" юадиберңа". Мале сян ялямдо' матна мэ"мэдонзь, няндо' мор ма"ламбада" тэвормыць. Поңганандо' Павел Лаптандер мэвьсь. Пыда сита лаханако ня"јадамзь. Няни тарца вадам" мэ"јась:

- Юкад вата самляңг мякана няхар" яля' матнаваца. Таня"тэвавана" нерцю" манэ"мы мя"ма" юкась, мал' Яр-Саля' вы' тераркаць. Сехэры' ядхана юэда мяк" тэвөржаваца. Юрибей'



Сидягт": Анна Ялтик" тадгавы"

нямна ядэрјаваца. «Трэкол»ва" тахарась, няни ня' Юрибей фактория" юэсонд" яда хаянинзь. Самляңгю" километрм" сидндет час' пирт' пирдалебиминзь. Небой походанда тянёркавна морам" ма"лава". Неняңг", ниберё" юод" юкаңэ еремя", ты" падде".

Хардан' хэвандо' нерцю" мяк" турта нядо' е"эмняндо" пирдымра сертабавысь. Помнандо" юэсы' тер" хасава", юацекы" сянаковыць. Павел ма"нисяв":

- Хой" ня"тэвба"ни тамиndo" хонаркопэсетьд": «Ныхыдьргава"? Санартава"? Яркулангугава"?» Мань няндо" манзетыдм": «Нерня матнахава", матнава" пуд сянакоива"». Етри' малкова пэдабцо нив юа", сянакобто" пыхыдадо" высилпи", нылана".

Хано санарпавахана Виктор Вануйто ва"лёт" юэвьсь, 375-м" санась. Мань нябимдей ян' ха"мываца, 301-м"мэдамзь. Роман Худи няхаромдэясь. Яркулавам' Вадим Худи, Константин Вануйто, Новой Порт' тер Василий Окотэтто ханадонзь. Нопой яхад няхар" мэва" санармахана Сергей Лаптандер юха" санэяць, нябимдей - Вадим Худи, няхаромдэй мань. Тэхэважа"на пуна харто" юэдалёрманзь пэрјаца, яда вэвась.

Тев' ёльцяңгана ненэця" ёнди ёнда", ханяңыдо" юэрм" няю"мица", юанидо" пуняю" пядо". Тэрангохова пэвдавэяд", пили" ирыхына янамбовна тодо" яха" ханаца пэнгуд".

Анна Ялтик" тадгавы



Нэсы"мана юэдалёрмы"

Сидя яля' ямбан' Йэдя', Паюте"э" няңы ты пэрти" мяк" иландо' серо ня"амбада" ерв" юэдалёрмы". Йэрм' тер" управлениехана манзарана" юани" нянандо" ядэрмы". Йокханда тирти юанодо" сидндет юэсын" юамдормы.

Вы' тер" хардахад товы нидо' лахана ня"мы". Тоенана серото' нямна хонарковы". Йока ненэця" вадидо" юэрэ" няна юэвандада хабартава" паңондо" нямна юэвь". Сяха', ханяңы юэсы" пуд хабарталваха" тыто" танавам" намдаван" харвавы". Ервото' вадавнатики серодо" юхакуд тасламбангудо". Ненэцие тет хабарталва" сер' тяртыдо". Мессо' няна Йэдяңгад, Паюте"эхэд юхы явна мюсерта" хабартангу".

Я' индадм" тюхуллади" предприятие" хэвхана илена" вададо" яңгавы. Пыдо' невхы мюсерць недармито' нина таб сехэры лехэбты. Ямданабто' юарка серүэ хан"ја. Надьбята районандо" ерв" я' индадм" тюхуллади" няць юбинзер" таславандајэ ваде"јадонзь.

Тохолкода" нюто' нямна юани" хонарковы". Хурка няд"ма" е"эмнандо" танявам" намдавы". Тики юне Йэрм' тер" серо минрена управлениехана манзарана" ваде"мыдо".

Галина Окотэтто" тадгавы

Ты пэрма' серо нерня" тидхалемби"

Яна" юардавна ты пэртина" тодо" районха"на таня". Округна" серо ня"амбада" ты пэрмам" нерня" минревам" юбтицы маниедо", закон"вато" сер' ненэцие нядаби". Тандая" юани" юпой сава юнм" намдаваца. Пяко" я' няна няби Тасу я' няна едэй хабартангос" ядамдо" сертавы".

Тазовской районхана юокханда няхар" хабарталвадо". Едэйвана нэвандадо" Мессо' няна юа. Тасу я' тер" харвабцовна таняна серта таславэдо". Хахаярка мюсерта" теда" тыдо" юхы ян" нидо" танабаңгу". Йэдя' няңы вымна мюсертаха"на тарца юн ихинандо" ёльце пои. Нахат ханяңы" юэсы" тер" хабарталвите" хубта яхана юэсь тыдо" забойкан" мирдапа нисеты" юебтюр". Едэй хабартангос" носиндалава" ирыхына манзара пэнгү". Йокханда таняна 100 тонна юамзам" серта пирта".

Пяко" яхана ервото' вадавна, «Пуровский» нюбета совхозханандо" юыдабада тыто" юамза" 40% пирувна юокамда". Тики" хавна харто" иянандо" илена" ненэцяңг" ена", маси" пыдо" юани" тыдо" едэй хабарталвахандо" мирдапаңгу". Ты" юамзахад сертабада юавыдота" юаврадо" юбтицы юокамдаңгудо", тодо" тэнз" юэнгү".

Галина Кинчина" тадгавы

Сатавна лабитормы"

Хо" саля" тер" хой юанох"на нидо" нертемба пирдымраца. Йокханда самляңгюаном" Саля" яв"иг" нэкалраца. Сарё юэбта юд" пирдымадо" сававна хаясь. Лабитанито" юуда" ёльце мэбе"мышь, торомбэй" юэвьщь.

Нямэхэна халя" манзаям" минрени" яляхана сянаковамдо" сата мерця таб"ладась. Тамальңгана хамбада саьц я"авлыць, юанотава" то"олха нись юа". Надьбята неняңг" иры" тетимдей яляхана пирдымамдо" сертадонзь. Тедахав" хэ"нёрка яляңэ еремясь, сарёрись.

Нопой юано" мюня сидя ненэцяңг" юэдарамбиць. Нябиом" яха" вархад юаном" ябзоходанды тирцидембись, лабитанаю" нянда тива" сер' лакри" лабида нерня" нэкалпись. Йанонди" саңгом" си"ив ю" килограмм" пирасть, сидя лабяхаоти" саңгом", харти" саңговоди" минреңаханзь. Нобт" толаб" тикид" 220-250 кг. Тэвадана ядо" 300 метр" пир" хунась. Ненадумда"мам" сюртембиць, тикахад пуня" тобто" тарась. Ид" хэвхана юатенана" таняць, сян минута мимамдо" маниець. Сянаковы" мал' халям" пэртаць, яңга тарца серкана сёбар" ненэцие" пирдыманзь нидонзь ханабю", халям" пэрта" юэхэвабто" сиддо" ниць волтамбю".

Сямянхат нити" нерня" тэвавэхэ, Виктор Тоболько няби Владимир Валитов. Пыди" сидя минута, сидя ю" секунда мимэхэнзь, тарем" лахавэхэнзь:

- Неноховавна юаном" тенева тара. И"мна ханзер" хатвамда ехэрбат сямбирувна ниват юд" мэбес" мер" тэва нир пират". Йаном" хаселабтамба тенева юбтицы тара" нив", ханяңы" ненадумда"ма" тяхана ендад" сер' хайна хан"ја".

Нябимдэхя" Андрей няби Григорий Негачихи" юэвэхэ". Кирилл Климов няби Артём Тайшин няхаромдэхя". «Пох" поңг пядабюрь юаном" мэ"џава", нюдя юэдахана" нисянана" сидна" лабита тохоламби", юадьбята торомдавы манзаява" сававна пирдалева" - пэ" тер" хасава" тарца вадам" мэ"мыць.

Анна Хорэли" тадгавы



Сидягт": риүүлэс нял ханавы

Њока нюсавэй” е”эмня

Ямална” социальной защиты департамент” ёвахана мэна ерв Оксана Медынская интернет, мутравна вадамда минресь. Пыда ќока нюсавэй” мяд’ тер” е”эмня щадимдембада” няд”ми” нямна лаханась.

Вадавнанда ќока нюм’ соявы” ненэцяңг” ќокханда 17 няд”мам’ миши”. Тюку яля’ ќэсонд’ округханана” 17 279 тарца мяд’ тер” ќэдараха. Тикэхэт няхар” нюм’ вадабада – 12 411, тет нюм’ пэрта – 3 226, самляңг - си”ив нюсавэй – 1 548, сиднит - ю” нюм’ вадабада – 87, юкад вата ќопойхад ќокам’ пэрта – 7.

Њока нюсавэй мяд’ тер ядембада ян’ ныланавань хэбта сехэрэнда няби илесь мята мирм’ пуня’ салдамбидо”? Хурка падро тики’ е”эмня ма”ла тараңгу”?

- Есь пуня’ салдавандо’ няю’тарца падро ма”лангун (ныланавам’, лекарабтаңговам’ салдамбада” еся’ падар”, лакамбий’ мэ”мы мяд’ падар”, тамна ќани”).

- Сехэры’ мир” ныланаван’ таславы ќэбта, билет” манэ”лабта тараңгу”.

- Падро «Госуслуги”, няби МФЦ’ сер’, почтавна ќэдарамба серо”џа”.

- Тенера”: мат” иры’ ямбарин’ падрода” ня”ма пиръядо”.

Њока нюсавэй мяд’ тер” «удостоверения”савэй ќэб”, хурка няд”ми ненэця” ня”ма пирта”?

- Йарка нюнд юкад вата сиднит поңэ хэва’ ёльцянд’ нядаңгосэй нянд тамбаңгу”. Нюр ялэй тохолковахана манзая’ няю’ тохолкобта, сидя ю” няхар” по’ ёльцянд’ ня”марпабат серота.

- Тарца падарм’ ханярина Россия’ тиңгывна мэць серо”џа



Сиднит: Марина Яр’ тадтавы”

(электронной удостоверениям’ мэць ќани’ сава).

- Таддикахадтеневатара – няд”ми «удостоверения”сипой” ќани’ ня”марпидо”.

Самляңзимдей щацекым’ хованда нен’, ќока нюсавэйха” хурка нядаңгосэй миши”?

- Йопой мэва’ мипада 19 904 есям’ (щацекы соя”махад тамиnda сертабада), самляңг юр’ ёнар” есям’, «Малышу Ямала» нюбета лабтэйм’ (тики нерцю” лабтэйм’ ня”марпавы ќэбта, 37 ёнар” есяхана тердевы сертификатм’) ня”мабато’ серо”џа”.

- 16 095 есяхана пандавы электронной сертификатм’

миши”. Есяха”нато’ щацекыто’ тохолко мэта ќамгэрид, ембдирт тэмдаби”, сидя похона ќопой мэва’ ныланавамдо’ салдамби”, тамна ќани”.

Няхар” нюми школахана тохолку”. Щопойми нюртей классан’ хэванзь мэ, тедари’ падро щатева”. Няни сидяри электронной сертификат тось, ќамгэ таңокм’ та”?

- Нюртей няби юдимдей классан’ хэванда” щацекы” падро сертавдавэй ќэбто’ тикаривна есясавэй падарм’ нин ня”маңгу”. Школахана падродо’ тасла”махадандо’ – социальной защита” ќэсонд’ юн тэваңгу”.

- Тики’ хавна приказ щадиво”махад харе” заявлениям’ пада ќани’ пиры”.

Йарканюми паспортм’я”мась, теда’ мерета тиртэя щанохона ханяхав хэб” сехэрэнда мирм’ пуня’ нидо’ тамбю”. Салдамба пявандо’ е”эмня падро хибян’ миць тара”?

- Щацекыт падар” яңгамб” та-минда харе” илесь хардахананд ќэда социальной зашитан’ ядэртан.

- Тарем’ ќока нюсавэй ќэва-хаданд теневаңгу”, мерета тиртэя щанохона щацекыт ня’ тирманд мальңгана таславы есям’ салдамбаңгун.

Њэрм’ тер” ќани’ ма”лёда”

Ямалхана самляңзимдей мэва’ «Российский Север» форум ќэнгү. Тюку по’ ќэрм’ тер” илебей ненэця” носиндалава’ иры’ 18-21 ялях”на Новый Уренгой хардахана ма”лёда”. Щокханда ќобт’ юр’ мян’ Россияна” сидя ю” сиднит яхана илена” тэваңгуд”.

Теда’ поңгананда” таня’ пыхыдамда падван’ харвананда” таняб”, щахакуд хамекуда”. Падрода” вэба’ иры’ 18 яля’ ќэсонд’ Росмолодежь. Форум’ платформан’ ќэдарэйда”. Щани” пото” тогрев’ невхы иландо’ саирм’, вадидо’ нерня’ минрени, яндо’ тер нядабади, сава” серка”на тарана ненэцие” ёльце ќате”. Таддикахад форуман’ хэванда 14 поход 35 по’ ќэсонд’ пода ќэбто’ серо”џа”.

Проектм’ сертаван’ харвана” «Росмолодежь. Гранты” конкурс-

хана мэсь пир”џадо”. Сямянхат ќокавна мипада еся’ няд”мадо’ - миллион’ еся. Хор” иры’ нюртей яля’ ќэсонд’ сайтан’ ќопойри «заявка”м’ ќэдарамба сава.

Мале сян иры’ хэ”мяхад округхана”ученой”, мел” хибяри”, общественной манзаям’ нерня’ минрена”, харто’ вадидо’ тохоламбада”, ќэрм’ тер” илам’ вадета” – этно-блогер”, «Движение Первых”, тер” тута”. Ма”лёванди” е”эмня сямян тэнз тохолкова, тасалкова сертавы”. Неноховавна соя”ма’ ялямда мэ”манда харадм’ няндо’ манэ”лабтаңгу”. Тики’ хавна йарка сайнормахад 80 по’ хэвам’ мэта”, ќэрм’ тер” яна” ед’ таром’ ха”авра”мам’ вадета”. Тет яля’ пир” манзара”махадандо’ хуркари тарана щаво щадимденгү”, едэй и’ ядэрбэцо, сава нядамдо’ хонгу”.

Мятамди’ тэмдангуху”

Округханана” илебей мяд’ тер” программавна есяха”на пандавы сертификатм’ ня”ма пирча”. Тандая’ тарца няд”мам’ Пэ” терха’ ня”, Щокдэта мяд’ теран’ ми”мыць.

Максим няби Анна Саляңгардахана тохолкованди’ мальңгана ќобт’ тэвавэхэ’. Тохолковамди’ малеванди’ сер’ ќопой мяд’ терјэ хэвэхэ’. Хасаваюм’ ненэцие тосакабтёд” серкат ќэдабаданэ, нядабадаң тара. Неюм’ лекараң манзара. Нямэхэна ты” ниць ирыхына не нюди’ соявысь. Мятамди’ мэванди’ е”эмня нянди’ сертификатм’ ми”мыць.

Намгэ нядаңгосэй ќэвамда нянда” вадетава”. Едэй программа тандая’ мяд’ терјэ хэвэ нядаби”. Тамна ќани’ ќопой тасламбада серто’ – Ямалхана

сојуңгана щацекы ќокамдамбава. Теда’ нядаңгосэйм’ тавандо’ е”эмня щацекэсавэй ќэссы серота. Не няби хасава поди’ 35 поход ќока” ќэбто’ ни” серота”. Мятамди’ мэван’ мяти’ савумдаван’ харвана ненэцяңг” ќэб”нанди’, Россия’ терјэ толёбнанди’, щацекэнди’ соява’ нерцю” округханана” по’ илебнанди’ тараңгу”. Не щацекэмда ќопой ќээрпата, ќобти ќядаңгосэйм’ ня”ма пиртада.

Мяд’ теран’ сян есям’ миши”? Не нюртей щацекэмда 30 понда нерцю” соябта нянда 3 миллионы мита”. Не нябимдей, тамна ќани” щацекыда 30 понда нерцю” соябта нянда 1,5 миллионы мита”. Не нюртей нюмда, тамна ќани” щацекыда 30 похонанда, 35 понда ќэсонд’ соябата нянда 1,5 миллионы мита”. Яхасаха’ соябти’ тикахана есямдо’ сидя мэва’ ќокамдамбидо”.

Ил’ мэсы”

Валакада яхана” Ты пэрта” яля” тута”. Маня” округханана” неняңг” ирий сидя ю” матдом-дэй яляхад пили” ирий самлян-зимдей толыр” үэсонд’ минда”. Тики яляха”на манзаидо’ хойхана минрене” нина” нямна вадина” мэтава”. Тюку падвы вадини” Елена няби Павел Тайбарей” нямна үэванды”, няхаюни” «Ямб то» общинахана илеңаха”.

Югад’ вата по” тяхана үобт’ илелъяханзь, үопой мядм’ мэтаха’. Елена сёнзянда мэё некоця, серката пунрёда, мята пэрмакхана сахарковада үади. Үацекыди’ хари” тэнзанди’ ил’ мэсэм’ тасламбахая, иринати’ табековна вадабиди’.

- Павел си”ми небянда, ни-сянда мят’ тэвраб”нанда, мань тет янганя поминзы, хасава нюкциами мале соявысь. Си”ми сававна ядабтаць. Яңга илелъя-нинзь. Мядыр”макханана” няхар” мя”маць. Мя”ми хар”н пэрјавась, ханзер” нянани тара, тарем’ сертавась, - некоця невхы по тензеб-тембась тарця вади хэта.

Тев’ ёльцянд үока по” ваера”, мяти’ тер” үокама”. Серода тасламбась нюда нядаңгуря”, хасавада пили” немда нядабасетыда. Хой’ не’ вадавна, невхы по” пирувна илевада ни тоена”, ю” по” тяхана ханзер” үэса, үадясь нензеларка.

Те”ны” ёльцянгана хойхана на мядм’ пэрта некоця хуркари” нядаңгодида таня” – үавори халтамба мэта, тикахад сэдорась мэта машинкахаюда’, тамна үавар лэ-тамба мэта ларьда, телевизорта.

- Илма” теда’ ивнана” ѹа. Нехэна сямянд’ тараница – мята тер”, нюкцида. Хусувэй тоенанам’ минаць пирдалембива”. Ялэна” үули” мөртёвна миџа”, тандая’ сыра ваеранарха, та’ ёльц’ валакада ваерана. Тики’ нид ханяңэхэн янолараңгадм’, паромбидм’, пэданггадм’. Хусувэй яля’ үопой яхад үани ян’ мюсеб”нана”,



Сидяңг”: Юлия Талеева” талтавы”

выдараңгадм’. Үопой яля тикахана мэңгугва” – неря” ятнаңгугва”. Үани мя”ма” хавда тарасеты, тикахад үабтамбась.

Хойхана мюсерта” нензеларка ялэдо’ тосеты”, тикахана таңгсетыва”. Ямб, пон’ мюсермава” пуняна хаеб”нана” ныланасетыва”. Тикахана варева” мэцетыва”, нись паромба ивнана” үэда манзаина” пэрцетыва”, сэдорасетыва”, үацекына” ня понарка мэсетыва”, хари” нина” лахана няцетыва”, Ты пэрта” ялян’ тэвэрцетыва”.

- Та’ яв’ вархана мэва”, мядона” тикахана ну”. Яда ёль-

це паской, лата, ханзоко, ты”ни” падде”. Валакада хэбидя ялян’ хантава”. Яна” тер” нина” ядабтаңгугва”, теневанина” манэ”тава”, юне намдаңгугва”, поңгана” лаханангугва”, тэхэ”на үэдалёртава”, - Елена Тайбори мась.

Нарка ялям’ Ольга Явтысой, «Вы’ ту” семье-но-родовой община’ ервота, Нельмин Саля’ тер некоця үатеда. Сидя юкад вата по” ямбан’ Нюдя я’ хойхана хари” манзаидо’ сававна минре”. Тюку яхана Ольга Владимировна, Андрей Григорьевич небяди’, нисяюди’ невхы похо”на” илець.

«Маня” нисянана”, небянана” пэрмы” манзаи неря” минрейна”, пыд’ тэдэва” няна” хаець. Тына” пэрмава” нюна” ила’ паңгүэ үани” хаеб”на” тара”. Иринана”, хаданана” сехэрым’ нёдэва”. Пудна” үацекына” илеванда”», – Ольга Владимировна тарем’ лахана.

Некоця хойхана иле, үарка март’ общинандо’ серо таславанзь товы, мякнандо’ таранадамдо’ лапкахана тэмдэңгү. Ты пэрта” ялян’ нита мядонзэяд тэвраңгу. Тики” поңгана маркана илена үарка не нюхунанда мядоңа, не нюнда үацекы лахана ня”на.

- Няхар” ялякон’ тодамзь, тюку ирий сиднэтийдэй яляхана «День семьи, любви и верности» үарка яля ваерась, тарця яляхана медальм’ «За любовь и верность» ня”мадамзь, ихинани саць сомбай юн. Мяна” тернэ нясьюмба, нина” сянзь илева”, манзарась теневава”.

Лахарёни” пуданахана Ольга Явтысой округханана” илена” хибярихи” Ты пэрта” яля’ нерцюна сава вади хэтась: «Хынёси” иледа”, ябдада”, хусувэй үамгэра” тид” мијая”.

Юлия Талеева” падвы

ОБЪЯВЛЕНИЕ



Ямалхана СВО,
няна сайнорта”
ненэцие”, мято”
тер” е”эмня”
няд”ма”



Интернет”
мутравна сидна”
хось пирјада”,
тюкон’ тюда”.





Тэнако

Ненэй ненэця" я' мидкад юваридо, тэнакорихина сыйдыбидо". Хурина ты" хобахад сэдвы юамгэ тэри тарця ниткахана сэдвы пон' ни переңгу", минханда ниткыда тимда", сэдоюдо" пыддода".

Тым" хада"махад яханана" хасава минханда махай" юамзи тэнакосавий яхалтыда. Тадтиkad не тэнода хархана лабцейн юамзахаданда тэрәүгуда. Пуна" мякна няюта юун" юаябай тэнода лабцейкоңэ тадтангуда. Тарем" тэн" няхар" сян яля" тырабтамбада". Тыравы тэнако, юухудхарта мантэнгү. Ха"авра"махад сянхав яля" талбай тэнако лабцяртамба, сававна ябтаванда" е"эмня пэңа" юылна пэрта. Хурина тарем" юанэдавы тэнако" тикирихина мимбада ни" юа", тамна юамгэ" пират пад" мюния не" тикыдо" минаръядо". Тэнаку пэвсюмя" няна, харта юамгэв таңгандо" юадимб" мимбидо". Янамбовна лядтакоңэ тодо" ян мэхэя юоб" ядал"мана, ня" икна ябтарахая, сидя пе" понд" паңгабтамбада". Хурина ты" маха" тэнако" сава юавари - мадавы, няблой паны, мальца, со"ок юэдакы сэдьба мэта". Ты" юэ" тэнакохот - хан" хурко, тадтиkad ея" имя паңгалпасетавы". Тарц" хавна тамна хасава" юыното" ен" юбтарем" паңгалмы тэнако юэсетавы". Тедахав мале тарцям" мэта яңгу, ненэця" ханото" хуркоңэ сяям мэ"юа".



Ненэй ненэця" илаңгана выңгана хусувэй юамгэм" харто" сертабидо". Тарцяхана хибяхарт сиддо" лаха ни нядабю". Тики" теневабцодо" техэ невхы илаңгад минрейдо". Няхар" иры" сер" нянда" ваде"ман" харвэйна".

Тарця" юавэ тамна" тяха" няна" Ензя" няна илена нява" Раиса Пехедомовна Яптуңэ ваде"ядась. Пыда иланда ямбан" юопой падарт" ма"ламбавыдась. Пыда юне тэволанаңэ тарась. Падвыда пыдара" юбтики толэйда". Йока юамгэм" намдаңгуда". Ваданды хэтыр", иланда саир" Ензя" терхат мица. Тарця" теневабцо" сяхаринда нянанда" юани" тараңгу".

Яв' сармик" хобахад сертавы юамгэри"

Навхы илаңгана ненэй ненэця" юэва" ин, со" юэдакы", пелей" ин юархандо" яв' сармик" хобахад сертавасетавыдо". Луца" юэрм" ё" няю" тэволово"махад ненэця" хуркари сяям" тэнз", тадтиkad порось" хобахад сертавы тобъеви хомба пявы". Хурина юарти", вэбарка", няк" хоб мюмдевандо" нерциона сававна юрець, тырабта тара" ни"им", тадтиkad таредо" нялирте тарава. Хабро"махад тикирихина юаябай хобам" малкоңя", паддарев" сэлкая, няранда пиняю" сядоңь тырабтамбада. Тарем" паддарев" сэлмы хоба мюндя икна сабыбада, тадтиkad пихина тасхад лэбтхая, тарта нялиртемба сидя, няхар" сян яля" юыдёа. Тадтиkad итя вабтажая, нялиртембада яв' сармик хоба тарта

харёй", юули" сававна силмы, есяхад сертавы варантэсүүгана варабада. Тарта вара"махад хобам" сидя хэвхаданда ня"амхая, итя юэдабтамбада паңгабтажая палыртамбада, хасабтамбада. Тадтиkad хайёвы тареда ядалабцяңгана тяха" напада". Тарем" мюмде"махад пиревы халя" ёдё" евэй, мюня сидя сян, няхар" сян яля" ня"амбада. Евэй, мюд нэклө"махад едё" нёхоло сада" икна, яха" икна сомбовна хаврамбада", халтамбада". Тадтиkad



Сидяңг: М. Яр тадтибы

нялиртембада хоба, сянди ян" вэнкая, я" ни", лата" ни" лехэбтамбада. Сававна лехэбцё" тыраванда е"эмня вакода пэхэна ютламбада". Тарем" сидя яля" тырана"махаданда, мерция сававна тамна тяха" тырабтава, пывумдаванда е"эмня хаерад" яляхана няк" хоба таса" ни" моёпада. Тики" пуд, тодо ян" вэнкая, хархана ябтакоко ядалаңэ ерпада. Тикахат юэва" ин, тадтиkad пелей" иня" юэдакы", хан" хурко сертаңгу".

Тёня", нохо" хоб" мэядир"

Илевандо" ямбан" ненэй ненэця" тён", носи" хобахад юбтарем" юамгэв сыйдыби". Носи" хоб юацеки" мальца" саваңа, тадтиkad мальцаңя", паны" икдаңа, яндана" пэръядо". Ханяңэхэна тарця ханеди" хоб юокавна ма"лабнандо" юб" лабсаня" сэдхая, паны" яндана" мэйдо". Йопой тарця паны" янд" юыльнямна ты" хобахада вардамбада.

Нохо", тёня" хоба юэванды няд малкоңя" хабарпада. Тадтиkad нийда сомбовна варабахая юрембада. Тарем" мюмде"махад сертавы пялан" няранда пиняю" сядоңь сиребтембада. Пенидо" ябталой" пяла" юэн" поңгахана сяропада". Тарем" пяларавы хоба сидя, няхар" сян яля" тырана. Тыра"махаданда, янамбовна тосарка пялахад ха"авра"махад, тикирихина икна ябтарамбада. Тадтиkad тарта пиняю" сядоңь сядхалавы юңгу, юамгэвхана ни"данда ютлахая, тарем" пи" тяха" ябтарамбада. Тиканда пуд, няранда ни"им" якоңхана пыдабтамбахая, юдарихина пыябада. Юамгэ" мянувна нюлво"махаданда нярада няюта нохо" хоба сабе юарковна нись напю", нензода ядалабцяңгана ха"аврамбада. Ханяңэхэна, нензомда сававна ха"аврамба, тамна юу" тяха" сярвы мэё" няюта сяям" ед" нярада варабада. Мюмдевы ханеда" хоба пый"махад, сававна лано"манда е"эмня, пад" мюния" сюрпада.



Сидяңг: Х.Яунгагд тадтибы



Шаңкмян үайвачетоң, дёлдимаң дет үайта, выйнуң шелтадятоныш. Калитана" бригада" дёлделш мээвчтетуң поңктуң, нямсахайтуң хындулаш, калитавштуң дякутуң дёңаш". Таничохой калитама манле чепъяш. Пурсовский районхана няхал сельхозпредприятии" калитана" - «Пурсовский», «Верхне-Пурсовский» совхозхиң, «Сельскохозяйственная община Пурсовская».

Таньняна мансданна" үука дёмутуң Нэлм' чед" - неша" кали", үсмаса". Непоң хампляңк общине" үопт мэйтоныш. Четаң талям үокна Пурсовская нимита общинахана мансдаңа". Чики сельхозпредприятияшина шича дёнал үок калитана" мансдаңа". Чуки похона үопшеды үуп дёнал тонна" үок кали" катаваньш мэңа", таңок калитуң план. Калпюл няна калитана" неша" калитоң Калнаткан таштуү. Куки неша" хыдаң ка'аммаң дёльшат калитаня".

Неша" маньшту", лакхай по"хоты кадя" чидома". Токуша", дяку" калитама". Талям планамтуң тэвмантуң мэт неша" дялтихана мансдашту". Пурсовская общинахана калитамантуң камна хэлаку", кэмчаки" кали" ватапи". Каймы похона хампляңк тонна үок форель миңаш", чуки похона үупчики таңок калитама ватаны". Самбулкаң няңи «Пурсовский» нимита совхозхана таничохона хампляңк бригада" мансдаңа".



Дям шуң үинилемең дёльшат калитаны".

Чуки похона Пурсовский совхозхана шича дёналкат ваташа шичади" тонна" кали" катаваньш мэңа". Үалка дямкна калитана" манле плавбазасамы" ту" үану" дётоң дёлиндама дяха"туң тэвлайтоныш. Таничуң

дямпхана кали" нямадпёта" ту" үано" таньняна нунја". Талям үано" үалка нялпэй вит" манле конулды", кулкали" ха'та" кампахана" миңш пилдатуң.

Калитама - ха'та, шеэмна мансдя. Дяли" кэмүэ каймхаты күкиты писамэй дёлделшту". Выңкай дилм, мансдям чедимянали" таньше дячапётахана, халёхана мансда пилдүштүтүү.

Калитана мансдята таляш - үука калитама катана, чикекена үэпту няамвантата вешата үукаңпой үайты. Дячапёта нумкна калитана" неша" катамайтуң калитоң чики минхантуң факторихи", плавбазаха" канаштуутуң. Таньняна мансданна" таничохона дяли" тахана нешади" тамы" кале" нямадпёштүтүү. Калитоң вомантую тайхана чики минхантуң холодильник'хи" хинташтуутуң. Шаңкмян сельхозпредприятии" таляштоң тадя".

Непоң Пюл дяханана калитана" үопшеды дёналкат ваташа хампляңк дюлккат үука тонна үок кали" катаңаш". Чуки похона үупчики үука кали" катаваньш мэңа". Калитана" сельхозпредприятии" катамы" кали" «Пур-рыба» нямадпита, таньняң миштуутуң. Таньняна мансданна" кале" хылуташтуутуң, дякекет тудаштуутуң. Кулкали" үамсадята" үамлу" калитама шелташту", чикитоң үопшел дюлккат ваташа тэмс".


Ямалханана калитана" предприятии" дэлтэлмитуү. Маня" округханана кашем'дю" шээв калитана" организации". Лакхай похоты үопшед катамайтуң калитоң дю" дёнал тоннахат үука үёшту".

Нахал" выты"

Маня" дяханана тытың үука. Чейня таничуң дельния нахал" манле вачошту". Үуп тытыңкана шанат дют нахал" үэшту". Чуки похона нахал" үукамана выты". Манле хала-куувди", нахалукат'уди" нельшүт пийтуү.

Август'хана, дилиң хусыкана нахал" хомяхамшту", манле дяпташтут. Шолтуң үамсадяхамшту". Шапчутуң касашту", хомана, неңышадмана камаштут. Таньдёльшкана петадахана дилина" үашкиуди" манле нахалоныш чепяшту". Дяпташатоң нахал" мед пяхат камаштут. Тытың танякуң мансаптанџан -шанат нахал" каамнадят. Шедяй үэпнантоң тун палатахада шапчутоң каамдыштутүү.

Нахал шола" үамсадямантуң камна кулкали" витаминутуун тадя". Талям шаңкмян тэмс



Тагтама": Андрей Пяк тагтамы"

тэмтапётаха" вешамана миштуутуң. Калтыхина, выңкна, петадахана дилина" неңэй неша" үамантуң үоклимна нахалтатоң каамдыштут". Шининкана үалка неша" үашкехэ" маньштүү": выңкна дилина" халакуувди" - нахалукат'уди", таляхаувди", пиньшукуувди" үупчики үамудман ха'на". Талям неша", дяханантуң вачутана" шаңкмян үамыкууди" дэлдампё, тамна нючаңэ тохощтуү".

Сюнды Вэсако

Сюнды Вэсако пухуцяда, не нюда таня. Лаханако хомахад, няхар пом' мэчна. Нобаңгана пухуцяханда ма:

- Не нюми илева ня"мандами ни ја". Сяхари юэвтана" тоб", хаупа ханда. Не хандамда миванз пэдaran' пянгув.

Сюнды Вэсако тубкамда хана, юэдалэй". Си"ивхав яля янгу.

Лаханаком Сюнды Вэсако не ню пядя.

- Тосаркадм. Тюкохов техэ яхананда юамгэхэвада хадкэй"!

- Индя юыламна не тасалкурја.

Сибимдей яляхана нёвна Сюнды Вэсако юадимя. Ва"аванда ни юамды". Салабида муноцяңгданда лэбта". Тикыда ха"авравдавэй" таминда хонэй". Йамгэ немамда мале"мяхаданада юркы". Йавар' нямна вадам' ни мэс".

Сяны юэбта юд" Сюнды Вэсако ма:

- Пэдараҳана сюдбяко харвм' ходамзь. Не ханданд тас юэнгусь. Ныланы"махананиси"ивтюндте" сиями хаевэдамзь. Хосаядва. Яд"мани мюмни хэбат, ямда пон' нир пюнгу".

Мань яд"мавнанда пяв. Пинда"мамда хов. Харванда хэвхана юамдёвы. Йамгэ" пиркана хаер" нумгана махани няна сюдбяко тидм' манэ"юадм. Тад" сывалани, тюкохов Сюдбя Вэсако юэвы. Вахалтыць, сейни хэсь хэвни" санэй". Сюдбя Вэсако нума яхадни сиям' яхад ня"мада. Ма:

- Сиям' пюнаси". Тарабата ханад! Нисянанд лаханакурман харвадамзь. Пыда нядни сеянда хэсь, мята няюна вырнарида хаясь.

Сюдбя Вэсако хэвни" сыртханда ня"амбада сиямда мар"юав. Йудани минрихид лясё ха"мы". Тикарихина ляմборе юэвата тар ныдпа пя. Ма:

- Сюнды" не нюм' ханзер" хадатани юэдараф!

Сэврини нюракуць сюрамбидм. Неро яхаком' юльняю" ха"аврав. Нид сюрамба инзелеб"нани Сюдбя Вэсако пумнахи сюрамби. Йоб" манзеты:

- Ханяри" тэвбат, пили" хэвувнанд юадибертадм!

Нид сюрамба тарем" сырпани неро яхами сидя ня" юадара. Тодо ян" хэ"миди" ненадорка я" юэвы. Сюдбяко седа си"ив сидя. Хахаярка тось, я мядота" ваңгота юэвы. Тикан" тюдм. Ваңготанда мюнья синдишт хатна я мядота си"ив ханимда ювламбы. Мань ювортанда хани" хэван" манзеръяв". Сибимдей яляхана я мядота юэвамда ила. Ма:

- Сюнды" не ню, юамгэр хадкэй"?

Илми серокута сер' ваде"юав. Я мядота хадами ма:

- Тадри" Сюдбя вэсако юадимда. Мань някунда юадимданакэдм. Пыдар папанад лэстамбайн!

Ненэсяри юамгэ" пиркана Сюдбя Вэсако" тёр юадимонда. Я мядота пин" тарпы". Си"ивхав яля ваңготанди" хэвхана ламнади" я"авлы. Сибимдей ялянди" пэвсюмз сенасялмаха". Мань ваңготахадани талерка тарпыв". Сырпани Сюдбя Вэсако я мядотанда няби хэвм' ювориа. Харта ихиндя лаханакурја:

- Я мядотами юа"махадани, си"ив ханими пяңгудм. Сюнды" не нюхувм' тарем" юд" хонгув!

Неро яхами тамна нёракулав. Сюрамбадаңэ си"ми манэць Сюдбя Вэсако пумнани тёрей":

- Яд"мавнанд хонгудм. Сит тэваңгудм! Сит ня"маңгудм!

Тарем" сырпани неро ях" хэвхана ты" хадырја". Ты" юкдахав толава" техэ. Тыга хадо" еркана юб" юарка мя". Тюкохов Илебямбэртя мя" юэвы. Илебямбэртя пухуцянда ня мякнанди" мэвэхэ". Хасава нюди" тыда пэрмы. Йобтики" сер' илми вэсакохо" ня" серокута сер' ваде"юав. Илебямбэртя ма:

- Тедахав хэбциндар яр яңгу. Хасава нюни неңэ ханданакэн.

Хаупа хэ"мяхадани си"ив яля илева". Сибимдей яляхана вэсакоми ханамда нэкал"ја. Тет хабтаркам" подер"ја. Ханяхав юэдалэй". Хэ"мяхаданда няхар" по хая. Илебямбэртя пухуцянда ня лаханакурмонди:

- Не"я" е"эмни хасава нюкциами ха. Йамгэда мякна" хосаявы?

Тарця лахарём" намд"-махадани, сава паныни серо"-

юадм". Вэсакони юэдалёма" пумна пяв. Тарем" хамедам"бани, вэсакоми Сюдбя Вэсако пудана ханимда ювортажанда махандя няд товы. Йэвандатаркад ня"амвэдэ, мале пон" явна соламбавэдэ. Сюдбя Вэсако тарданда сидя юудамда сээр" ёльцинд" ян" сиүмэхэюда. Йудита юма меңгаңэ хэвэхэ". Ханзер" юэта ни" санавыкы, неро яха" хой" ниня төбөртажанда" манэ"юахаюн.

Няби сывалани Илебямбэртя" хасава нюм" ебц" мюнья" мэна юацекэдрев" юуданда харан" мөвэдэ. Нид письсомба Сюдбя Вэсако ма:

- Ханзер" юэда хасава юацекы, иримда ханя" соламба тэврада! Ныхыкода танянакы.

Сидя меңга" яхад тет хабтаркам" нэкалџав, техэ төбөртэ" няю" юэдалэй". Сюдбя Вэсако си"ми манэкава, вэсакоми юудата нид няни тамбиды. Ма:

- Иле ня"мэрава, нянанд тараңакы. Ханаңгодакэр!

Йобтики" сер" Сюдбя Вэсако хэвни" сыртан вэсако"ями павэцяханда ня"ма юудатата марџав. Хан" вэн" мов. Мадм":

- Мань сёбям" мэ"мы юбни, Сюдбя Вэсако юуда" ниня юацекэдрев" юидамзь едэйкурт".

Илебямбэртя" хасава нюунм" ни соя". Йэхы яхаку тэв"мяхадани юэва инямда нядни марџада. Техэ яхананда Сюдбя Вэсако харта пыхыдамда тэдорпи.

- Нянаса"ладамнё. Ханзер" Сюнды" не нюм" хадатани юэдараф? Нид юэдалё юб" мядикоця" тэри хаяориа". Нуултава" нямна вэсакони мунда яңгу. Неро яхакоми пилибт" нёдами". Тарем" сырпани хаби" таюца. Хасава юр" мяд" нито" тахаңгад ну". Еркнандо" юб" юарка мя". Хаби ерв" мяд юэрх. Нуултава"махадани ервндо" мякна юамгэ ювормина" ёльце"мяхадани" илми" серакута сер' ваде"юами". Хаби Ерв ма:

- Хэбциндари"янди" яңгоховаб" нянана" иледима.

Няхар" по илева". Няхаромдэй похона, юб" сава яля" тарем" сырпани хаби" ервандо" мят" мица". Хадю" Сюдбя Вэсако тонакы.

(Пелямда 32 номерканы толаира")

Марина Яр" ненэцяңгат намдавы, падарт" падвы



Та' ер' яляхана

Хусувэй по' пилю" иры' нерденахана яна" тер" та' ер' ялям' мэцтэй". Ханяны яха"на үули" ненадо. Тев' ёльцянд' тарця. Хэбидя яляндо' нерциона не" үацекыдо' няць тохорманзь ядэрцеты". Сава похона мараңга", лынзермя" вадёвы" үэб", толяндо' ниня тад' нерня' етри' үодидо' танясеты".

ТЫ ПЭРТИ" ҮЭСЫХЫ"НА

Ты пэртэй теда' ёльце тэтнава' панодо'. Вымана тэхэ"нато' мято' терсавэй" мюсерта" таңгм' ехэра". Тюку яля' пиркана невхы иринадо' та' еркана хаңоротвы үэбто', үобтики үаябаддамдо' хабарцеты". Пи' ямбан' евы нядо' тыда тэвраңгу. Яля' ер' някуна үаябаджэ тэдамдо' яркаңгу". Серокута сер' хабартадо'. Хаңоротаңгу". Үэсы' тер" мал" үаябарта". Хэхэ" ханадо', лабтэйдо' танябто', хасава" тикидо' манэсарна". Не" мякнато' яёл" манзаидо' пэрца". Тэхэ"на мэна" нина" тев' ёльцянгана саць я"авлада неняյагдо' хаця лановорна". Тарем' үод" пилю" ирыхына үобтики таңгм' ни" хонгу". Үопой талм' нумгана пэдёдамдо' нэкалпаңгу".

НЯДЭНА" НЕНЭЦИЕ" ИЛАҢГАНА
 Ёрти" таңоцяңга"на хэбидя яля' ед' үэсү' тер" мер' юркорна". Хасава" понгдо' ватаванзь хан"ча". Ихинандо' үаябад' халядамдо' ня"ма ена": «Тарця ненадо яляхана халя танябата тара!» Тики' ямбан' не" мякнато' үани' хамеку". Еддамдо' пиремби". Не үацекы" тольмдо' үабтамби", сава үаврадо' тюхулпи". «Ина" үыламна харвабцуна" ваде"үава": «Нарка Нум' вэсакова", нянд лаханава". Сидна" вэвако серкат лэтра", сяй", сава серт' табеда"». Ирива" хэхэ" ханхад тэвравы есь үацекы", не" помна тярцетыда. Хусувэйна" үуданда тэр танясеты. Тикина" тохоцян' маноңгая хэбидя пян' сярсетына"», - нюдя үэванда мальңгэхэд теневанида үопой ненэй не тарем' тензебтембидя.

ПЭ" ТЭЛ" НЯНА

Приуральской районхана Пэ" тэл" нямна мюсерта" пилю" иры' нябимдей яляхана үани' үоб' ма"люрцеты". Хада Пэ' хэвхана мале сян үэсү' тер" «Та' ер' ялям'» үобканы ядабтамбасетыдо'. Тики' няю' үахакуд хамекосеты". Ханзер" пирдырмамдо' тасламбасеты". Сямянхат илека серто' - тэхэ"на нертеңгөсө үэдалёрмадо'. Нерня' ха"амвы" нидо' помнандо' таславы" үуда, тер ня"амсеты". Ныхыдо' хорпа үани' хуркари" пирдырми сертабасеты". Ярко-лавахана, санар"махана, ныхыдырмажа на мэбетидо' үока үэсеты". Пэ" тер" тики яляндо' пу' няю' янамбовна сыв мэлва' ёто' няю' пяңгудо'.



ХУРКА ҮАВРАХА"НА НИДО' ҮАВЛАМБАҮГУДО'

Нядэна" ненэця" толяндо' нина тандая' ватавы халя' үаябад таняңгу. Үодяндо' таняб" - үодям' үаврота". Тэхэна мэна" нина" ты' үаябадм' сертаңгу". Сава үаврадо' мал' толь' ни' мэнгудо'. Үамза' евэй, пиревы үамза, халя' евэй, тиребя", мыд", пиревы, талтавы халя", ябцвы" леска", нянь" үэдакы", лапкахад тэмдэвэ" үамнилала" үавар".

НЕВХЫ ИЛАҢГАД ТЕНЕВАНА" ТАБЕКУНА"

Нарка ненэця" манзеты": «Ялянда ер' ёльцянд' таңы ялэна" мэ"үава", яля' ер' пуд нума" үэрэндэ няю' пяңгуда. Таңы ялэна" пуданакохона, яля' еркана тольм' үабта тара. Тикаханана" ила' няю' үэдэ хэхэна" үавлаңгува". Нум' вэсако илна" хурка үэвам' харта таслаңгуда. Мандив": «Нюни" иландо' сава үэвэй". Ханяңхэна маси", несэяркавна манэ"тада: «Вэвэркавна илевы", няда таравы"». Ненэй манзаи хэбидя яляхана сертаба ни тара". Не" ни" сэдора", хасава" яёл" серодо' манзая"ча". Үацекы" хаданадо', небянадо' няць мараңгадамдо', лынзермидамдо' ма"ламби".

Галина Окотэтто' падвы



Снимки: Марина Яр' талтавы"



**Тюку" ненадумда"мавна
«Тундра.
Тропа предков» иле"мям'
манэ"үада".**

Газета «Няръяна Нгэрм»	И.о. главного РЕДАКТОРА Кинчина Галина Сергеевна	ГЕНЕРАЛЬНЫЙ ДИРЕКТОР АНО «ЯМАЛ-МЕДИА» Зулинова Марья Андреевна	№ 31 Подписано в печать 31.07.2025 г. Вышла в свет 02.08.2025 г. По графику: 16.00, фактически: 16.00.	ПОДПИСНЫЕ ИНДЕКСЫ: на год – ПА701, на полугодие – ПР562.
Учредитель – департамент внутренней политики ЯНАО (629008, ЯНАО, г. Салехард, пр-кт Молодёжи, д.9, каб.708).			Тираж 3600 экз. Заказ № 1090 (тираж 3600 экз.) отпечатан в АНО «Ямал-Медиа» Юридический адрес: 629003, Ямало-Ненецкий автономный округ, г. Салехард, мкр. Богдана Кнунианца, д.1, каб. 106	Цена годовой подписки 166 руб. 84 коп. В розницу не распространяется.
Издатель – департамент внутренней политики ЯНАО (629008, ЯНАО, г. Салехард, пр-кт Молодёжи, д.9, каб.708)			Фактический адрес: 629007, Ямало-Ненецкий автономный округ, г. Салехард, ул. Чубынина, 39А	Адрес редакции: 629003, ЯНАО, г. Салехард, мкр. Богдана Кнунианца, д.1, каб. 106 тел. (349 22) 4-53-32
Газета зарегистрирована – Управлением Федеральной службы по надзору в сфере связи, информационных технологий и массовых коммуникаций по Тюменской области, ХМАО-Югре и ЯНАО от 19 апреля 2012 года. Регистрационный ПИ № ТУ72 – 00559			Газета выходит по субботам.	E-mail: nn@yamal-media.ru